

Universitäts- und Landesbibliothek Tirol

Hungaria Fida Austriæ

Fonovich, János

Tyrnaviæ, 1743

Argumentum, et Clavis in Poema

ARGUMENTUM, *ET* CLAVIS IN POEMA.

Post diutinum, idque perniciosum bellum iëto ad Taurunum cum Turcis fœdere annô M. DCC. XL. pax toti Europæ rediisse videri potuit, nisi cum præopera CAROLI VI. Romani Imperatoris morte diu gliscens sub cineribus belli scintilla in luctuosam erupisset flammam. Coronatæ enim ab Augustissimi Patris obitu MARIA THERESIÆ Austriacæ in Hungariæ Reginam, veluti signô datô totius pene Europæ Principes (jure, an injuriâ, dicere nihil attinet) bellum inferunt. Non benè cum ea actum fuerat, nisi Hungaria rarô servatæ fidei in rebus tam perditis exemplô, quâ ære, quâ milite ei suppetias venisset. Nos veritatem hanc, ne historicis, quàm Poëtis similiores esse videamur, sub imagine sequentis fabulæ ludimus.

*Dearum in Pelei cum Thetide nuptiis
concordia, ab Eride discordia Dea proje-
ctô in earum medium pomô aureô cum in-
scriptione: Detur pulcherrimæ, turba-
ta*

ta est. Cum enim qualibet se pulcherrimam existimans, pomum sibi adjudicaret, lis ad Jovem delata est, qui, ne judicio suo aut in Junonis Conjugis, aut Pallas, & Veneris Filiarum odium incurrat, rem Paride iudice definiri voluit. Paris, spretis, quas Juno pollicebatur, opibus, & contemptâ, quam Pallas spondebat, sapientiâ; pomum Veneri, quæ sibi mulierum pulcherrimam promisit, adjudicavit, atque sic aliarum Dearum odium in se, & Venerem accersivit.

Hanc fabulam ita in rem nostram accipimus, ut per *Pelei* cum *Thetide* nuptias, Serenissimi Francisci Lotharingi, & *MARIÆ THERESIÆ* Austriacæ hodie Reginae Hungariæ nuptiarum diem, per *Deas*, Europæ Principes, & Regna, & quidem per *Junonem* Galliam, & Bavariam, per *Palladem* Borussiam, & Saxoniam significemus. *Veneri* Austriam, five Anstriadem, *Paridi* Hungariam, five Hunniadem substituimus. *Concordia Dearum*, & foedus in nuptiis initum Sanctionem pragmaticam denotat, quam non errore, sed veniâ Poëticâ ad hæc tempora transferimus. *Eris* discordiæ Dea mortem Imperatoris Caro-

li VI. utpote originem, & causam belli refert. Per *Pomum aureum* ab Eride projectum Coronam Regni Hungariæ intelligi volumus, quam à Carolo mortuo dimissam Veneri Dearum pulcherrimæ, sive Austriæ omnium dignissimæ adjudicavit Huniades ob promissam sibi *mulierem pulcherrimam*, per quam pristinam Patriæ libertatem, & felicitatem, quam sibi Hungaria à MARIA THERESIA amplissimam spondet, significamus.

In *oblatione Pomi aurei* Coronationem obscure depingimus.

